

張子野詞

張子野詞目錄

卷一

醉垂鞭_二

南鄉子_二

菩薩蠻_五

踏莎行_二

小重山

西江月

慶金枝

浣溪沙

相思兒令

師師令

山亭宴慢

謝池春慢

惜雙雙

江南柳

八寶裝

一叢花令

西江月

小重山

宴春臺慢

好事近_二

清平樂_二

醉桃源_三

恨春遲_二

慶佳節_二

採桑子

御街行

玉聯環_二

武陵春

定風波

百媚娘

夢仙鄉

歸朝歡

相思令

少年游

賀聖朝

生查子

夜厭厭_二

迎春樂

鳳栖梧

卷二

雙燕兒

卜算子慢

更漏子_三

南歌子_三

蝶戀花_四

訴衷情_二

木蘭花_三

減字木蘭花

少年游_二

醉落魄

喜朝天

破陣樂

三字令

菊花新

虞美人_三

醉紅妝

天仙子_二

菩薩蠻

怨春風

于飛樂令

臨江仙

江城子

轉聲虞美人

燕歸梁_二

酒泉子_五

定西番

河傳

偷聲木蘭花_二

醉桃源

千秋歲

天仙子

漁家傲

補遺上

天仙子_二

南鄉子

少年游

定風波令_四

木蘭花_七

傾杯_二

離亭宴

沁園春

小重山

憶素娥

繫裙腰

清平樂

偷聲木蘭花

菩薩蠻_四

慶春澤_二

玉聯環

玉樹後庭花_二

卜算子

雙韻子

鵲橋仙

醉垂鞭

定西番_二

望江南

少年游慢

翦牡丹

畫堂春

芳草渡

御街行

蘇幕遮

武陵春

醉落魄

長相思

更漏子

浣溪沙

醉桃源

行香子

熙州慢

虞美人

汎青苔

惜瓊花

河滿子

勸金船

慶同天

雨中花令

江城子

補遺下

青門引

滿江紅

漢宮春

生查子

浣溪沙

菩薩蠻

滿庭芳

菩薩蠻

浪淘沙

望江南

碧牡丹

漢宮春

山亭宴

西江月

張子野詞卷一

吳興張先子野

正宮

醉垂鞭

雙蝶繡羅裙東池宴初相見朱粉不深勻閒花淡
淡春細看諸處好人人道柳腰身昨日亂山昏
來時衣上雲

二贈琵琶娘年十二

朱粉不須施花

一作枝小春

偏好嬌妙近勝衣輕

羅紅霧垂琵琶

一作金畫鳳

雙條重倦眉低啄木細

聲遲黃蜂花上飛

中呂宮

南鄉子

何處可魂消京口終朝兩信潮不管離心千疊恨

滔滔催促行人動去橈記得舊江皋綠楊輕絮

幾條條春水一篙殘照闊遙遙有箇多情立畫橋

二中秋不見月

一作中秋

潮上水清渾棹影輕於水底雲去意徘徊無奈淚

衣巾猶有當時粉黛痕海近古城昏暮角寒沙

雁隊分今夜相思應看月無人露冷依前獨掩門

菩薩蠻

憶郎還上層樓曲樓前芳草年年綠綠似去時袍

回頭風袖飄郎袍應已舊顏色非長久惜恐鏡

中春不如花草新

二

聞人語一作著仙卿字瞋情恨意還須喜何況草

長時酒前頻共一作見伊嬌香堆寶帳月到梨花
上心事兩人知掩燈羅幕一作慢垂

三

夜深不至春蟾見令人更更情飛亂一作春蟾不

猜一作語更翠幕動風亭時疑響屨聲花香聞水樹

幾誤飄衣麝不忍下朱扉遶廊重待伊

四

簾紋衫色嬌黃淺釵頭秋葉玲瓏翦輕怯瘦腰身

紗窗病起人相思魂欲絕莫話新秋別何處斷

離腸西風昨夜涼

五

牡丹含露真珠顆美人折向簾前過含笑問檀郎

花強妾貌強檀郎故相惱剛道花枝好花若勝

如奴花還解語無

踏莎行

衾鳳猶溫籠鸚鵡尚睡宿妝稀淡眉成字映花避月

上行一作廊珠裙褶褶輕垂地翠幕成波新荷

貼水紛紛煙柳一作絮低還起重牆繞院更重門春

風無路通深意

二

波湛橫眸霞分膩臉盈盈笑動籠香靨有情未結

鳳樓歡無寥愛把歌眉斂密意欲傳嬌羞未敢

斜偎象板還偷職輕輕試問借人麼伴伴不覩雲

雙點

小重山萬乘靴袍御紫宸揮毫數麗藻盡經綸第名天陞

首平津東堂桂重占一枝春 殊觀簪簪紳蓬山
仙話重霽恩新暫時趨府冠談賓十年外身是鳳
池人

西江月

體態看來隱約梳妝好是家常檀槽初抱更安詳
立向尊前一行 小打登鉤怕重儘纏繡帶由長
嬌春鶯舌巧如簧飛在四條絃上

慶金枝

青螺添遠山兩嬌靨笑時圓抱雲句雪近燈看妍
處不堪憐一作憐憐 今生但願無離別花月下
繡屏前雙蠶成繭共纏絲更結後生緣一作後生緣
浣溪沙

輕屢來時不破塵石榴花映石榴裙有情應得撞
頭春一作應解惜春 夜短更難留遠夢日高何
計學行雲樹深鶯過靜無人

相思兒令

春去幾時還問桃李無言燕子歸栖風緊梨雪亂
西園 猶有月嬋娟似人人難近如天願教清影
長相見更乞取長圓

師師令

香鈿寶珥拂菱花如水學妝皆道稱時宜粉色有
天然春意蜀綵衣長勝未起縱亂雲一作垂地
都城池苑誇桃李問東風何似不須回扇障清歌
脣一點小於珠子一作朱藥正是一作值殘英和月墜寄
此情千里
山亭宴慢有笑堂贈彥猷主人

宴亭一作堂永晝喧簫鼓倚青空畫闌紅柱玉瑩紫
微人謫和氣春融日煦故宮池館更樓臺約風月
今宵何處湖水動鮮衣競拾翠湖邊路落花蕩
漾愁空樹曉山靜數聲杜宇天意送芳菲正黯淡
疏煙逗雨新歡寧似舊歡長此會散幾時還聚試
爲挹飛雲問解寄相思否

謝池春慢玉仙觀道中逢謝媚卿

繚牆重院時聞有啼鶯到繡被掩餘寒畫幕一作
明新曉朱檻連空闊飛絮無一作多少徑莎平池
水渺日長風靜花影閒相照 塵香拂馬逢謝女
城南道秀豔一作麗過施粉多媚生輕笑鬬色鮮衣
薄碾玉雙蟬小歡難偶一作遇春過了琵琶流怨一作

惜雙雙溪橋寄意

城上層樓天邊路殘照裏平蕪綠樹傷遠更惜春
暮有人還在高高處 斷夢歸雲經日去無計使
哀絃寄語相望恨不相遇倚橋臨水誰家住

南呂宮

江南柳 隋堤遠波急路塵輕今古柳橋多送別見人分袂
亦愁生何況自關情 斜照後新一作月上西城
城上樓高重倚望願身能似月亭亭一作月千里
伴君行

八寶裝

錦屏羅幌初睡起花陰轉重門閉正不寒不暖和
風細雨困人天氣 此時無限傷春意憑誰訴厭

厭地這淺情薄倖千山萬水也須來裏

一叢花令

案此詞又載六一詞

傷高

一作春

懷遠幾時窮無物似情濃離愁一作正

引

一作

千絲亂更東一作南陌飛絮濛濛嘶騎漸遙

征塵

一作

不斷何處認郎蹤雙鴛池沼水溶溶南北

小橋

一作

通梯橫畫閣黃昏後又還是斜一作新月

簾櫳

一作

沈恨細思不如桃杏猶解嫁東一作春風

道調宮

案此詞又載六一詞又入道調宮侯攷

西江月

沉沉春船載樂溶溶湖水水平橋高巒照影翠煙搖

白紵一聲雲杪倦醉天然玉軟弄妝人惜花嬌

風情遺恨幾時消不見盧郎年少

小重山安車少師訪閣道大資同游湖山

廊廟當時共代工睢陵千里遠約過從一作從欲

知賓主與誰同宗枝內黃閣舊有三公一作從廣樂起

雲中湖山看畫軸兩仙翁武林嘉語一作佳話幾時窮

元豐際德星聚照江東

仙呂宮

宴春臺慢東都春日李閣使席上

麗日千門紫煙雙闕瓊林一作樓又報春回殿閣風

微當時去燕還來五侯池館頻開探芳菲走馬天

街重簾人語轉轉繡軒一作車轡遠近輕雷雕

觴霞灩翠幕雲飛楚腰舞柳宮面妝梅金猊夜暖

羅衣暗裏香煤洞府人歸放笙歌燈火下樓臺蓬

萊一作下蓬萊臺一作放笙歌猶有花上月清影徘徊好事近和毅夫內翰梅花

月色透橫枝短葉小花一作花無力北客一聲長笛

怨江南先得一作誰教強半臘前開多情爲春憶留

取大家沈醉正一作幸雨休風息

二

燈燭上山堂香霧暖生寒夕前夜雪清梅瘦已不

禁輕摘一作雙歌聲斷一作未寶杯空妝光豔瑤席相

好一作趁笑聲歸去有隨人月色

大石調

清平樂

屏山斜展帳卷紅綃半泥淺曲池飛海燕風度楊

花滿院一作雲情雨意一作愁雨恨空深覺來一枕春陰

隴上梅花落盡江南消息沈沈

二李閣使席

清歌逐酒膩臉生紅透一作醉臉櫻小杏青寒食

後衣換縷金輕繡畫堂新月朱扉嚴城夜鼓聲

遲細看玉人嬌一作妝面春光不在花枝

醉桃源

落花浮水樹臨池年前心眼期見來無事去還思

如一作今花又飛淺螺黛淡顰脂開花一作開取

次宜隔簾燈影閉門時此情風一作江月知

二

歌停鶯語舞停鸞高陽人更閒默噴煙燼玉壺乾

茶分小鳳團雲浪淺露珠九嬌聲春筍寒絳紗

籠下據金鞍歸時人未眠

三

湘天風雨破寒初深沈庭院虛麗譙吹罷小單于

迢迢清夜徂 鄉夢斷旅魂孤嶢嶢歲又除衡陽
猶有雁傳書柳陽和雁無

恨春遲

好夢纔成又斷日晚起雲鬟梳鬢秀臉拂新紅酒

一作入嬌眉眼薄衣減春寒紅短一作柱溪橋波

平岸畫閣外落日西山不分一作閒花並蒂秋藕

連根何時重得雙眠蓮一作

二

欲借紅梅薦飲望隴驛音信沈沈住在柳洲東岸

彼此相思夢去難尋乳燕來時花期寢淡月墜

將曉還陰爭奈多情易感音信無憑如何消遣得

初心

雙調

慶佳節

莫風流莫風流風流後有閒愁花滿南園月滿樓

偏使我憶歡游我憶歡游無計奈除卻且醉金

甌醉了醒來春復秋我心事幾時休

二

芳菲節芳菲節天意應不虛設對酒高歌玉壺闕

慎莫負狂風月人閒萬事何時歇空贏得鬢成

雪我有閒愁與君說且莫用輕離別

採桑子

水雲薄薄天同色竟日清輝風影輕飛花發瑤林

春未知剡溪不辨沙頭路粉水平堤姑射人歸

記得歌聲與舞時

御街行送蜀客

畫船橫倚煙溪半春入吳山徧主人憑客且遲留

程入花溪遠一作遠數聲蘆葉兩行霓袖幾處成

離宴紛紛歸騎亭皋晚風順檣烏轉古今爲別

最消魂因別有情須怨更獨自儘上高臺望盡

飛雲斷基一本云高臺獨上斷

玉聯環送臨淄相公

都人未逐風雲散願留離宴不須多愛洛城春黃

花訝歸來晚葉落灞陵如翦淚霑歌扇無由重

宵日邊來上馬便長安遠

二南郊夜飲

來時露裏一作衣香潤綵繚垂鬢卷簾還喜月相

親把酒更花相近西去陽關休問未歌先恨玉

峯山下水長流流水盡情無盡

武陵春

秋染青溪天外水風棹采菱還波上逢郎密意傳

語近隔叢蓮相看忘卻歸來一作路遮日小荷

圓柳一作家在菱蔓雖多不上船心眼在郎邊

定風波

素藕抽條未放蓮晚蠶將繭不成眠若比相思如

亂絮何異兩心俱被暗絲牽暫見欲歸還是恨

莫問有情誰信道無緣有正一作似中秋雲外月皎

潔不團圓待幾時圓

百媚娘

珠闕一作五雲仙子未省有誰能似百媚算應天

乞與淨飾豔妝俱美若無取次芳華皆一作可

意何處比無一作桃李蜀被錦紋鋪水不放彩鷺

雙戲樂事也知存後會爭奈眼前心裏綠皺小池紅疊砌花外東風起

夢仙鄉

江東蘇小天斜窈窕都不勝彩鸞嬌妙春豔上新妝肌肉過人香佳樹陰陰池院華燈繡幔花月好可一作能長見離聚此生緣無計問天天

歸朝歡

聲轉轆轤聞露井曉引銀鉤牽素縷西園人語夜來風叢英飄墜紅成徑寶猊煙未冷蓮臺香蠟殘痕凝等身金誰能得意買此好光景粉落輕妝

紅溫一作

玉瑩月枕橫釵雲墜領有情無物不雙棲文禽只合常交頸畫長歡豈定爭如翻作春宵永日瞳矓嬌柔嬾起簾押殘花影一作卷花影

相思令

蘋滿溪柳遶堤相送行人溪水西回一作時隴月低煙霏霏風雨一作淒淒重倚朱門聽馬嘶寒鷗相對飛一云寒鷗

少年游

紅葉黃花秋又老疏雨更西風山重水遠雲閒天淡游子斷腸中青樓薄倖何時見細說與這忡忡念遠離情感時愁緒應解與人同

賀聖朝

淡黃衫子濃妝了步縷金鞋小愛來書幌綠窗前半和嬌笑謝家姊妹詩名空杳何曾機巧爭如奴道春來情思亂如芳草

生查子

當初相見時彼此心蕭洒近日見人來卻恁相謾說休休休便休休美底教他且匹似沒伊時更不思量也

小石調

夜厭厭

昨夜小筵歡縱燭房深舞鸞歌鳳酒迷花困共厭厭倚朱絃未成歸弄峽雨忽收尋斷夢依前是畫樓鐘動爭拂雕鞍忽忽去萬千恨不能相送

二

昨夜佳期初共鬢雲低翠翹金鳳尊前含笑不成歌意偷期眼波微送峽雨豈容成楚夢夜寒深翠簾霜重相看還到斷腸時月西斜畫樓鐘動迎春樂

城頭畫角

催夕宴憶前時小樓晚殘虹數尺雲中斷愁送目天涯遠枕清風停畫扇逗蠻簾碧紗零亂怎生得伊來今夜裏銀蟾滿

鳳栖梧

密宴厭厭一作池館暮天漢沈沈借得春光住紅翠闌爲長袖舞香檀拍過驚鴻翥明日不知花在否今夜圓蟾後夜憂風雨可惜歌雲容易去東城楊柳東城來一作時路

張子野詞卷二

吳興張先子野

歇指調

雙燕兒

榴花簾外飄紅藕絲罩小屏風東山別後高唐夢
短猶喜相逢幾時再與眠香翠悔舊歡何事恩
恩芳心念我也應那裏蹙破眉峯

卜算子慢

溪山別意煙樹去程日落采蘋春晚欲上征鞍更
掩翠簾下一有回相眇惜彎彎淺黛長長眼奈畫
閣歡游也學狂花亂絮輕散水影橫池館對靜
夜無人月高雲遠一餉凝思兩袖淚痕還滿下難
字遺恨私書又逐東風斷縱西北夢一作層樓萬尺
大望重一作城那見

林鍾商

更漏子

錦筵紅羅幕翠侍宴美人姝麗十五六解憐才勸
人深酒杯黛眉長檀口小耳畔向人輕道柳陰
曲是兒家門前紅杏花

二

星斗稀鐘鼓歇簾外曉鶯殘月闌露重柳風斜滿
庭堦落花虛閣上倚闌望還似去年惆悵春欲
暮思無窮舊歡如夢中

三流杯堂席上作

相君家賓宴集秋葉曉霜紅溼簾額動水紋浮縠
花相對流一作薄霞衣裳一作酣酒面重抱

琵琶輕按迴畫撥抹幺絃一聲飛露一作蟬
南歌子

醉後和衣倒愁來殢酒醺困人天氣近清明盡日
厭厭□臉淺含顰睡覺□□恨依然月映門楚
天何處覓行雲唯有暗燈殘漏伴消魂

二

蟬抱高高柳蓮開淺淺波倚風疏葉下庭柯況是
不寒不暖正清和浮世歡會少勞生怨別多相
逢休惜醉顏酡賴有西園明月照笙歌

三

殘照催行棹乘春拂去衣海棠花下醉芳菲無計
少留君住淚雙垂煙染春江暮雲藏閣道危行
行聽取杜鵑啼是妾此時離恨盡呼伊

蝶戀花

臨水人家深宅院堦下殘花門外斜陽岸柳舞麴
塵千萬線青樓百尺臨天半樓上東風春不淺
十二闌干盡日珠簾捲有箇離人凝淚眼淡煙芳
草連雲遠

二

檻菊愁煙蘭泣露羅幕輕寒燕子雙來去明月不
諳離恨苦斜光到曉穿朱戶昨夜西風彫碧樹
獨上高樓望盡天涯路欲寄彩牋兼尺素山長水
闊知何處

三

綠水波平花爛漫照影紅妝步轉垂楊岸別後深
情將爲斷相逢添得人留戀絮軟絲輕無繫絆

煙惹風迎併入春心亂和淚語嬌聲又顫行行儘遠猶回面

四

移得綠楊栽後院學舞一作學宮腰二月青猶短不比霸陵多送遠殘絲亂絮一作千東西岸幾葉

度一作

小眉寒不展莫一作唱陽關真箇腸先斷一作分付與春休細看一作條條盡是離人怨

訴衷情

花前月下暫相逢苦恨阻從容何况酒醒夢斷花謝月朦朧花不盡月無窮兩心同此時願作楊柳千絲絆惹春風

二

數枝金菊對芙蓉零落意忡忡不知多少幽怨和淚泣東風人散後月明中夜寒濃謝娘愁臥潘令閒眠往事何窮

木蘭花

青錢貼水萍無數臨曉西湖春漲雨泥新輕燕面

前飛風慢落花衣上住紅裙空引一作煙娥一作聚雲月卻能隨馬去明朝何處上高臺回認王

峯山下路

二

西湖楊柳風流絕滿縷青春看贈別牆頭簌簌暗飛花山外陰陰初落月秦姬穠麗雲梳髮持酒

唱一作歌留晚發驪駒應解惱一作人情欲出重城嘶不歇

三

樓下雪飛樓上宴歌咽笙簧聲韻顫尊前有箇好人人十二闌干同倚徧簾重不知金屋晚信馬歸來腸欲斷多情無奈苦相思醉眼開時猶似見減字木蘭花

垂螺近額走上紅裯初趁拍只恐輕飛擬倩游絲惹住伊文鶯繡履去似楊花一作風塵不起舞徹伊州頭上宮花一作花枝顫未休

少年游并桃

碎霞浮動曉朦朧春意與花濃銀蟾素綆玉泉金甃真色浸朝紅花枝人面難常見青子小叢叢韶華長在明年依舊相與笑春一作風

二

帽檐風細馬蹄塵常記探花人露英千樣粉香無盡驀地酒初醒一作探花人向一作花前老花上舊時春行歌聲外一作靚妝叢裏須貴少年身

醉落魄

雲輕柳弱內家髻要一作新梳掠生香真色人難學橫管孤吹月淡天垂幕朱脣淺破桃花一作萼倚樓誰一作在闌干角夜寒手一作冷羅春衣薄聲入霜林簌簌驚一作梅落

喜朝天

曉一作雲開曉仙館陵虛步入蓬萊玉宇瓊甃對青林近歸鳥徘徊風月頓消一作清暑野色對一作帶江山助詩才簫鼓宴璇題寶字浮動持杯人

多送目天際一作天際無際識渡舟帆小時見潮回故

國千里共十萬室日日春臺睢社朝一作京非遠
正和羹民口渴鹽梅佳景在吳儂還望分閫重來
破陣樂錢塘

四堂互映雙門並麗龍閣開府郡美東南第一望

故苑樓臺霏霧垂柳池塘流泉巷陌吳歌處處近

黃昏漸更宜良夜簇簇一作一繁星燈燭長衢如

畫眼色韶光幾許粉面飛甍朱戶一作和煦歡過雁

齒橋紅裙腰草綠雲際寺林下路酒熟梨花賓客

醉但覺滿山簫鼓盡朋游同一作民樂芳菲有主

自此歸從泥詔去指沙堤南屏水石西湖風月好

作千騎行春畫圖寫取

三字令

春欲盡日遲遲牡丹時羅幌掩繡簾垂彩牋書紅

粉淚兩心知一作人不見燕空歸負佳期香燼冷枕

閒敲月方明花淡薄惹相思

中呂調

菊花新

墮髻慵妝來日暮家在畫橋堤下住衣緩絳

綃垂瓊樹裏一枝紅霧院深池靜嬌一作花相妒

紛牆低樂聲時度長恐舞筵空輕化作彩雲飛去

虞美人案此詞又載馮

畫堂新霽情蕭索深夜垂珠箔洞房人睡月嬋娟

梧桐雙影上珠軒立堦前高樓何處連宵宴塞

管聲幽怨一聲已斷別離心舊歡拋棄杳難尋恨

沈沈

二載陽春集

碧波簾幕垂朱戶簾下鶯鶯語薄羅依舊泣青春
野花芳草逐年新事難論一作鳳笙何處高樓月幽
怨憑誰說亭亭殘照上梧桐一時彈淚與東風恨
重重

三

苔花飛一作落盡汀風定苔水天搖影畫船羅綺滿

溪春一曲石城清響入高雲壺觴昔歲同歌舞

樓依舊似當時一作笑今日無歡侶一作年少南園花少故人稀月照玉

醉紅妝

瓊枝玉樹不相饒薄雲衣細柳腰一般妝樣百般

嬌眉眼細好如描一作秀總如描東風搖草百一作難

花飄恨無計上青條更起雙歌郎且飲郎未醉有

金貂

天仙子時為嘉禾小倅以病眠不赴府會

水調數聲持酒聽午醉醒來愁未醒送春春去幾

時回臨晚鏡傷流景往事後期空記省沙上並

禽池上暝雲破月來花弄影重重簾幕密遮燈風

不定人初靜明日落紅應滿徑

二鄭毅夫移青社

持節來時初有雁十萬人家春已滿龍標名第鳳

池身堂阜遠江橋晚一見一作障湖山看未徧障

扇欲收歌淚濺亭下花空羅綺散檣竿漸向望中

疏旗影轉聲聲斷惆悵不如船尾燕

菩薩蠻

玉人又是恩恩去馬蹄何處垂楊路殘日倚樓時

斷魂郎未知 闌干移倚徧薄倖教人怨明月卻多情隨人處處行

高平調

怨春風

無由且住絲絲恨似春蠶緒見來時餉還須去月淺燈收多在偷期處 今夜掩妝花下語明朝芳草東西路願身不學相思樹但願羅衣化作雙飛羽

于飛樂令

寶奩開菱鑑靜一掬清蟾新妝臉旋學花添蜀紅衫雙繡蝶裙縷鷦鷯尋思前事小屏風巧畫江南怎空教草解解宜男柔桑暗又過春蠶正陰晴天氣更暝色相兼幽期消息曲房西碎月篩簾臨江仙

自古傷心惟遠別登山臨水遲留暮塵衰草一番秋尋常景物到此盡成愁 況與佳人分鳳侶盈盈粉淚難收高城深處是青樓紅塵遠道明日忍回頭

江城子

鏤牙歌板齒如犀串珠齊畫橋西雜花池院風幕卷金泥酒入四肢波入鬢嬌不盡翠眉低

轉聲虞美人

雪上送唐彥猷 使君欲少醉離亭酒酒醒離愁轉有紫禁多時

虛右茗雪留難久 一聲歌掩雙羅袖日落亂山

燕歸梁

去歲中秋玩桂輪河漢淨無雲今年江上共瑤尊都不是去年人 水精宮殿琉璃臺閣紅翠兩行分點唇機動一作微破秀眉顰清影外見微歌一作塵塵
二 夜月一作夜啼鳥促亂絃江樹遠無煙缺多圓少奈何天愁只恐下關山 粉香生潤衣珠弄彩人月兩嬋娟留連殘夜惜餘歡人月在又明年
酒泉子
亭下花飛月照妝樓春欲曉珠簾風蘭燭燼怨空閨 迢迢何處寄相思玉筍零零腸斷屏幃深更漏永夢魂迷
二 人散更深堂上孤燈堦下月早梅愁殘雪白夜沈沈 闌前偷唱繫瓊簪前事總堪惆悵寒風生羅衣薄萬般心
三 春色融融飛燕未來鶯未語露桃寒風柳曉玉樓空 天長煙遠恨重重消息燕鴻歸去枕前燈窗外雨閉簾櫳
四 亭柳霜凋一夜愁人窗下睡繡幃風蘭燭焰夢遙遙 金籠鸚鵡怨長宵籠畔玉箏絃斷隴頭雲桃源路兩魂消
五 芳草長川柳映危橋堤下路歸鴻飛行人去碧山連 風微煙淡雨蕭然隔岸馬嘶何處九迴腸雙

臉淚夕陽天

定西番

年少登瀛詞客飄逸氣拂晴霓盡帶江南春色過

長淮一曲豔歌留別翠蟬搖寶釵此後吳姬作

難見且徘徊

仙呂調案天仙子前卷入中呂宮醉

河傳

花暮春去都門東路嘶馬將行江南江北十里五

里郵亭幾程程高城望遠看回睇煙細一作高

煙容細晚碧空無際今夜知上二字何處冷落衾

幃欲眠時

偷聲木蘭花

雪籠瓊苑梅花瘦外院重扉聯寶獸海月新生上

得高樓無一作柰情簾波不動凝一作釭小今

夜夜長爭得曉欲夢高唐只恐覺來添斷腸

二

畫橋淺映橫塘路流水滔滔春共去目送殘一作

暉燕子雙高蝶對飛風花將盡持杯送往事只

成清夜夢莫更登樓坐想行思已是愁

醉桃源渭州作

雙花一作連袂近香猊歌隨鏤板齊分明珠索漱

煙溪凝雲定不飛脣破點齒編犀春鶯莫亂啼

陽關更在碧峯西相看翠黛低

千秋歲

數一作聲鷓鴣又報芳菲歇惜春更把殘紅折雨

輕風色暴梅子青時節永豐柳無人盡日飛花雪

莫把玄絃撥怨極絃能說天不老情難絕心似

雙絲網中有千千結夜過也東窗未白凝殘月一作

孤燈

天仙子別渝州

醉笑相逢能幾度爲報江頭春且住主人今日是

行人紅袖舞清歌女憑仗東風教點取三月柳

枝柔似縷落絮儘一作飛還戀樹有情寧不憶西

園鶯解語花無數應訝使君何處去

般涉調

漁家傲和程公闕贈別

巴子城頭青草暮巴山重疊相逢處燕子占巢花

脫樹杯且舉瞿塘水闊舟難渡天外吳門清雪

路君家正在吳門住贈我柳枝情幾許春滿縷爲

君將入江南去來詞云折柳贈君且住

張子野詞補遺上

天仙子

十歲手如芽子筍固愛弄妝偷傅粉金蕉併爲舞
時空紅臉嫩輕衣褪春重日濃花覺困斜雁軋
絃隨步趁小鳳疊珠光繞鬢密教持履恐仙飛催
拍緊驚鴻奔風袂飄飄無定準

二公擇將行

坐治吳州成樂土詔卷風飛來聖語親與乞得便
藩歸瑤席主杯休數清夜爲君歌白苧花接舊
枝新藥吐造化不知人有助看花歲歲比甘棠嘉
月暮東門路只恐帶將春色去

南鄉子送客過餘溪聽天隱二玉鼓胡琴

相並細腰身時樣宮妝一樣新曲項胡琴魚尾撥
離人入塞絃聲水上聞天碧染衣巾血色輕羅
碎摺裙百卉已隨霜女如東君暗折雙花借小春
少年游渝州席上和韻

聽歌持酒且休行雲樹幾程程眼看檐牙手搓花
藥未必兩無情拓夫灘上聞新雁離袖掩盈盈
此恨無窮遠如江水東去幾時平

定風波令

碧玉篴扶墜髻雲鶯黃衫子褪紅裙妝樣巧將花
草競相並要教人意勝於春酒眼茸茸香拂面
見丹青寧似鏡中真自是有情偏小小向道江
東誰信更無人

二次子瞻韻送元素內翰

浴殿詞臣亦議兵禁中頗牧黨羌平詔卷促歸難

自緩溪館綵花千數酒泉清春草未青秋葉暮
去一家行色萬家情可恨黃鶯相識晚望斷湖
邊亭上不聞聲

三再次韻送子瞻

談辨纔疏堂上兵畫船齊岸暗潮平萬乘靴袍曾
好問須信文章傳口齒牙清三百寺應遊未徧
算湖山風物豈無情不獨渠北歌叔度行路吳
謠終日有餘聲

四雪溪席上同會者六人楊元素侍讀劉孝叔吏
部子瞻公擇二學士陳令舉賢良

西閣名臣奉詔行南牀吏部錦衣榮中有瀛仙賓
與主相遇平津選首更神清溪上玉樓同宴喜
歡醉對堤杯葉惜秋英盡道賢人聚吳分試問也
應旁一作有老人星

木蘭花

人意共憐花月滿花好月圓人又散歡情去逐遠
雲空往事過如幽夢斷草樹爭春紅影亂一唱
雞一作聲千萬怨任教遲日更添長能得幾時擡
眼看

二和孫公素別安陸

相離徒有相逢夢門外馬蹄塵已動怨歌留待醉
時聽遠目不堪空際送今宵風月知誰共聲咽
琵琶槽上鳳人生無物比多情江水不深山不重
三晏觀文書堂席上

檀槽碎響金絲撥露溼潯陽江上月不知商婦爲
誰愁一曲行人留晚發畫堂花入新聲別紅藥

調高彈未徹暗將深意語膠絃長願絃絲無斷絕
四送張中行

插花勸酒鹽橋館召節促行龍闕遠吳船漸起晚
潮生蠻榼未空寒日短慶門奕世隆宸睠歸到
月陂梅已綻有情願寄向南枝圖得洛陽春色看
五去春自湖歸杭憶南園花已開有當時猶有藥
如梅之句今歲還鄉南園花正盛復爲此詞以

寄意

去年春入芳菲國青蘂如梅終忍摘闌邊徒欲說
相思綠蠟密緘朱粉飾歸來故苑重尋覓花滿
舊枝心更惜鴛鴦從小自相雙若不多情頭不白
六乙卯吳興寒食

龍頭舴艋吳兒競箭柱秋千游女並芳洲拾翠暮
忘歸秀野踏青來不定行雲去後遙山暝已放
笙歌池院靜中庭月色正清明無數楊花過無影
七席上贈同邵二生

輕牙低掌隨聲聽合調破空雲自凝姝娘翠黛有
人描瓊女分鬟待誰併弄妝俱學閒心性固向
鸞臺同照影雙頭蓮子一時花天碧秋水如鏡
傾杯吳興

橫塘水靜花窺影孤城轉浮玉無塵五亭爭景畫
橋對起垂虹不斷愛溪上瓊樓凭雕闌久飛雲
遠人在虛空月生溟海寒漁夜汎游鱗可辨正
是草長蘋老江南地暖汀洲日晚更茶山已過清
明風雨暴千巖啼鳥怨芳菲故苑深紅盡綠葉陰
濃青子枝頭滿使君莫放尋春緩

二

飛雲過盡明河淺天無畔草色栖螢霜華清暑輕
颼弄袂澄瀾拍岸宴玉塵談賓倚瓊枝秀挹雕觴
滿午夜中秋十分圓月香槽撥鳳朱絃軋雁正
是欲醒還醉臨空悵遠壺更疊換對東西數里回
塘恨零落芙蓉春不管籠燈待散誰知道座有離
人目斷雙歌伴煙江艇子歸來晚

離亭宴公擇別吳興

捧黃封詔卷隨處是離亭別宴紅翠成輪歌未徧
已恨野橋風便此去濟南非久惟有鳳池鸞殿
三月花飛幾片又減卻芳菲過半千里恩深雲海
淺民愛比春流不斷更上玉樓西歸雁與征帆共
遠

沁園春寄都城趙閱道

心膂良臣帷幄元勳左右萬幾暫武林分閫東南
外翰錦衣鄉社未滿瓜時易鎮梧臺宣條期歲又
西指夷橋千騎移珠灘上喜甘棠翠蔭依舊春暉
須知繫國安危料節召還趨浴鳳池且代工施
化持鈞播澤置孟天下此外何思素卷書名赤松
游道飄飄雲輶仙可期湖山笑有啼猿喚鶴相望
東歸

小重山徐鐸狀元

延壽芸香七世孫華軒承大對見經綸溟魚一息
化天津袍如草三百騎從清塵玉樹瑩風神同
時棠棣萼一家春十年身是鳳池人蓬萊閣黃閣
主遲共談賓